

րաց, բեռնակրաց, փերէմէճոց եւ գինեծախից ար-
կին (Դերի):

Եւ Մայիսի Թ մանզուլ արարին զՍօֆի Մէհէմմէտ
փաշան, որ եկաց Վէզիր Թ ամիս և Ե օր, և եղին
Վէզիր զՄուրատ աղան և զՍօֆին աքսորեցին ի Մալ-
ղարայ և անդ սպանին¹⁾. և զմիականի քէխիայ նորին
խեղզաման արարին ուժղնութեամբ Մուսլահատին և
Պէքտաշ աղային և այլոցն, բայց մեծ և երեւելիքն
երեքեանս էին ի փառս արքայի: Եւ եէնկիչէրի աղասի
եղև Ղարայ Չաուշն:

Եղբայր մօր ծնողի մերոյ կոչեցեալն Մահտեսի
Ամբակումն զոր ուխտեաց երթալ յԵրուսաղէմ և պատ-
րաստէր կանխագոյն զպաշարս ճանապարհի, և յահէ
Փռանկին, որ ի Ծովն Սպիտակ՝ զբազում ամ ոչ եր-
թայր ուխտաւորաց նաւ. պատրաստեաց ցամաքաւ
երթալ ընդ սուրբէին Տաճկաց առ ճանապարհաւն Դա-
մասկոսի: Եւ յազդմանէ Հոգոյն Սրբոյ գտեալ եղև
նաւ մի մեծ, որ ի կղզոյն էր Միս կոչեցելոյ, որ յե-
զխատոս բանէր, և կայր սայլ մի յԵրուսաղէմէ՝ այր
ոմն Մարկոս, եղբայր Բուք Գրիգոր վարդապետի, որ
ունէր ծանօթութիւն ընդ նաւապետին և խօսեցեալ
ընդ նմա՝ միաբանեցան և ընդ մեզ յամենայն եկեղե-
ցեաց, որք ունէին իղձ երթալ ի սուրբ Երուսաղէմ:
Եւ իբրեւ տեսին զի էր նաւ, եւ բազմացան ընկերք
մինչև Ղ-ից, այր և ընդ կին, և ընդ մեր զլիսաւորք
Քէպէճի Զիրաքն և Քէրէստէճի Մուրատն, Խօտա-
Վէրտի Ղալֆան և Էքմէքճի Կիրակոսն Շէհրի Տէր
Կրիզորին և միւս Կիրակոսն, Էքմէքճի Փէրէմէճին և
այլք. Տէր Բարդաւմն Տիվրիկցի և Տէր Ղազարն Խաւ-
զեղցի և մեք ընդ Մղտեսի Մարկոսին, և ոչ կարա-

1) սպան.